



UNIVERSITÄTS-  
BIBLIOTHEK  
PADERBORN

## **Concilia Provincialia Mediolanensis Sex**

**Borromeo, Carlo**

**Venetiis, 1602**

Bvlla S. D. N. Pij Diuina Prouidentia Papæ V. Relaxationis prohibitionis de non admittendis Resignationibus per Ordinarios, cum modificationibus.

---

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

vbilibet constitutarum, intrauerint, & ascripti fuerint, illis videlicet tā qui alios docuerint, quā qui alijs in articulis fidei, & p̄ceptis Ecclesie h̄mōi instructi fuerint, quotiescumque in p̄fato sanctissimo exercitio se occupauerint, quadraginta dies de iniunctis p̄nitētijs auctoritate Apostolica tenore p̄sentium misericorditer in domino relaxamus, p̄sentibus perpetuis futuris temporibus valituris. Ceterum quia difficile foret p̄sentes literas ad singula quęque loca in quibus de eis fides forsan facienda foret, deferri, volumus quod ipsarū transumptis, manu publici Notarij subscriptis, & sigillo alicuius personę in dignitate Ecclesiastica constitutę munitis, in iudicio, & extra, ubi opus fuerit, eadem prorsus fides adhibeatur, quę p̄sentibus adhiberetur, si forent exhibitę uel ostensę. Dat Romę apud Sanctū Petrū, sub annulo piscatoris, Die VI. Octobris. M. D. LXXII. Pontificatus nostri anno secundo.

Ca. Glorierius:

**BVLLA S. D. N. Pij Diuina Prouidentia Papę V.**  
 Relaxationis prohibitionis de non admittendis  
 Resignationibus per Ordinarios, cum  
 modificationibus.



**P**IVS Episcopus seruus seruorum Dei, ad perpetuā rei memoriam. Quanta Ecclesie Dei incommoda omni tempore attulerit, & nunc quod die magis afferat ministrorum in eam ingressio vitiosa, iam late perspiciant, & cum mœrore expendāt Præsules omnes & pastores, quando hæc pernicies ceterarum omnium maxima, tam multas orbis Ecclesias impiè violarit. Quia uerò hoc malū cum in ceteris frequens, tū maximè in beneficiorum, officiorū Ecclesiasticorū dimissione admittitur, nemini molestū esse debet quod pridē de reprimēdis quotidianis fraudibus, quę hac in re frequētiore interuolantur, certam aliquā rationem tandem inuituri officij nostri partes in prohibenda omnibus interim resignationū huiusmodi receptione paulò seuerius interposuerimus, omnesq; beneficiorum interim resignandorum dispositiones, quę fierent, in irritum reuocauerimus, ac etiam decreuerimus nullum per eas in illis ius, neque titulum vel coloratum, tam in petitorio, quā in possessorio ipsis prouisis tribuere, quineuiam eos ad illa deinceps obuēnda perpetuo

tuō



tuò inhabiles fore; collatores verò aliàs in illorum dispositione, etiam tamquam deuolutionis iure sese interponere non posse: sed de eis vt verè vacantibus, siue per Romanum Pontificem, siue alios collatorum eorundem Superiores, vt præuentum esset, liberè prouideri. Nunc autem intendentes institutum hoc nostrum, quò sanctuarium Domini cupimus illibatum auctore Domino persequi, ac simul quantum in nobis est cauere ne resignationes ipsæ dehinc pro cuiusque arbitrio, nullisque vel certè leuibus causis passim, & temerè admittantur. Prohibitionem, & alia prædicta ac cætera omnia nostris super his literis contenta eatenus relaxamus, vt posthac Episcopi, & alij facultatem habentes, eorum dumtaxat resignationes recipere, & admittere possint, qui aut senio confecti, aut valetudinarij, aut corpore impediti vel vitati, aut crimini obnoxij, censurisque Ecclesiasticis irreiti, aut nequeunt, aut non debent Ecclesiæ, vel beneficio inseruire, seu qui vnum aliud, vel plura beneficia obtinuerint, vel quos ad aliud contigerit promoueri. Religionem quoque ingressuri, vel matrimoniū coniracturi, si statim postea id re ipsa exequantur: denique cùm quis ex alijs casibus acciderit, qui cõstitutione fœlicis recordationis Innocentij Papæ III. de dimittendis Cathedralibus Ecclesijs, edita, continentur. Qui etiã ob capitales inimicitias nequeunt, vel nõ audent in loco beneficij residere securi, sed nec horum vllus sacro ordini mancipatus, nisi religionem ingressurus valeat vllò modo beneficium, vel officium Ecclesiasticum resignare, nisi aliunde ei sit, quò in vita possit commode sustentari. Ad hæc beneficiorum, & officiorum permutationes admittere, que Canonici sanctionibus, & Apostolicis constitutionibus permittuntur. Caueant autem Episcopi, & alij prædicti, itemque omnes electores, præsentatores, & patрони tam ecclesiastici, quàm laici, quicumque sint, ne verbo quidem, aut nutu, uel signo futuri in huiusmodi beneficijs, ex officijs successores, ab ipsis resignantibus, aut alijs eorum significatione vel hortatu designentur, aut de his assumendis promissio inter eos, uel etiam intentio qualiscumque iutercedat. Ceterum præcipimus, atque interdiciamus, ne ipsi Episcopi, aut alij collatores de beneficijs, & officijs resignandis prædictis, aut suis, aut dimittentium consanguineis, affinis, vel familiaribus etiam per fallacem circuitum multiplicatim in extraneos collationum, audeant prouidere, quòd si secus, ac etiam quicquid præter vel contra formam prædictorum fuerit à quocumque temerè attentatum, id totum ex nunc uires, & effectum decernimus nõ habere. Qui uerò contrafecerint, ut in eo quo deliquerint puniantur, à beneficiorum, & officiorum collatione, nec non electione, præsentatione, confirmatione, & institutione, prout cuique competierit, tam diu suspensi remaneant, donec remissionem à Romano Pontifice mereant.



rint obtinere, & qui talia beneficia, seu officia receperint, eos prædictis pœnis volumus subiacere. Et nihilominus in eos, qui sic suspensæ conferre, eligere, præsentare, confirmare, vel instituere aulæ fuerint, excommunicationis quò ad personas, quò verò ad Capitula, & Cõuentus à diuinis suspensionis sententias ipso facto promulgamus: quibus etiã nullus alius, quàm ipse Romanus Pontifex, siue absolutionis, siue relaxationis gratiam (excepto mortis articulo) valeat impertiri. Prohibitione, & literis nostris prædictis nihilominus in cæteris omnibus perpetuò valituris, non obstantibus quibuscumque priuilegijs, indulgentijs, & litteris Apostolicis generalibus, & specialibus quibuscumque, Episcopis, & alijs Superioribus, ac inferioribus Ecclesiarum Prælati, necnon Ecclesijs, Monasterijs, Capitulis, Conuentibus, Collegijs, & Vniuersitatibus, eorumque, & alijs personis etiam Regia & Imperiali maiestate præditis, sub quacumque uerborum forma, & conceptione concessis, per quæ effectus præsentium impediri posset quomodocumque, vel differri, etiam si de eis ipsorumque totis tenoribus ad uerbum, ac de proprijs nominibus eorum, necnon Ecclesijs, Monasterijs, Locis, Ordinibus, & Dignitatibus, quibus, necnon causis propter quas illa concessa sunt, specialem & expressam præsentibus fieri oporteret mentionem. Cæterum iubemus easdem præsentibus ad ualuas Basilicæ Principis Apostolorum de Vrbe, & in Acie Campi Floræ publicari, & earum exempla affigi: uolumusque eas sic publicatas, omnes, & singulos perindè afficere, & obligare, ac si illis ipsis fuissent singulariter intimatæ: Exemplis quoque prædictis etiam impressis, manuque Notarij publici, & sigillo Prælati Ecclesiastici vel eius Curiaë obfirmatis, eandem prorsus fidem adhiberi, quæ ipsis præsentibus si forent exhibitæ vel ostensæ. Nulli ergo omninò hominum liceat hanc paginam nostræ relaxationis, præcepti, interdicti, decreti, promulgationis, iussionis, & uoluntatis infringere, uel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri, & Pauli Apostolorum eius, se nouerit incursum. Dat. Romæ apud Sanctum Petrum, anno Incarnationis Dominicæ M. D. LXVIII. Kal. Aprilis, Pontificatus nostrî anno Tertio.

Cæ. Glorierius.

H. Cumyn.

Declaratio